

## 1. OSNOVNE INFORMACIJE O JAVNOJ USTANOVU

Javna ustanova Centar za kulturu "Sarajevo" osnovana je daleke 1965. godine. Osnivač Ustanove bila je Općina Centar, tada jedina Općina na području današnjih Općina Centar i Stari Grad. Javna ustanova objedinjavala je rad 13 domova kulture, od kojih su 4 smještena na teritoriji Općine Centar / Bjelave-Hrastovi, Crni vrh-Gorica, Skenderija-Trasa i Soukbunar /, i sa 27 zaposlenih radnika, bila jedna od najvećih ustanova ovog tipa .

Dana, 30.09.1965. godine tadašnja Skupština opštine Centar donijela je Odluku / u prilogu / kojom se objedinjava rad tadašnjih društvenih domova u jedinstvenu ustanovu pod nazivom Društveni dom "Centar". Od tada su se dogodile dvije promjene naziva Ustanove i to :

1973. godine u Dom kulture "Centar" / Rješenje u prologu /

1978. godine, na osnovu tadašnjeg Zakona o udruženom radu, u RO/ radna organizacija / Dom kulture "Centar".

Napokon, 05.04.1996. godine, na osnovu Zakona o ustanovama, Općina Centar donosi Odluku o preuzimanju prava osnivača i utvrđivanju statusa Centra za kulturu Sarajevo kao javne ustanove u državnoj svojini i vrši preregistraciju u:

Javna ustanova Centar za kulturu "Sarajevo", Jelića broj 1.

Ovom Odlukom ,po članu 9, medjusobna prava i obaveze izmedju osnivača i Ustanove morala su se urediti posebnim aktima Ustanove u skladu sa važećim propisima te aktima osnivača, što se do danas, nažalost, nije regulisalo. Bitno je napomenuti da se u vrijeme donošenja navedene Odluke, Ustanova finansirala iz budžeta Kantona Sarajevo, tako da u Odluci nisu razrađeni ni finansijski odnosi između Općine Centar i Ustanove. Radna organizacija Dom kulture "CENTAR" Sarajevo. upisana je kod Osnovnog suda udruženog rada u Sarajevu dana 23.07.1987. godine, sa izmjenom kod Višeg suda u Sarajevu od 04.04.1996. godine.

Sjedište Ustanove je u objektu koji se nalazi u Ul. Jelića br. 1, i teritorijalno pripada Općini Stari Grad. Objekat je u sastavu Ustanove od 1965. godine. U periodu 1992-95. Ustanova je nastavila s radom u ratnim uslovima što je zabilježeno u knjizi "Sarajevski memento" izdate od Ministarstva za kulturu i sport Kantona Sarajevo. 1997. godine Općina Stari Grad donijela je Odluku o izuzimanju domova kulture smještenih na njenoj teritoriji, a zbog decenijske tradicije i angažmana u ratnim uslovima današnje sjedište Ustanove izuzeto je iz ove Odluke. Objekat je bio izuzetno devastiran, a poslijeratnim zalaganjem zaposlenih ,objekat je od krova do temelja renoviran i doveden u funkcionalno stanje, isključivo vlastitim

sredstvima, dok su plaće i materijalni troškovi bili obezbijedjeni od Ministarstva za kulturu i sport Kantona Sarajevo.

Za svoj rad Ustanova je dobila niz priznanja i zahvalnica, od kojih ističemo Plaketu grada Sarajeva i nagradu UNICEF-a za rad sa djecom.

Napominjemo da je za svo vrijeme postojanja Ustanove, bilo da se radilo o promjenama naziva, preregistracijama ili usklađivanju sa zakonskim propisima, Općina Centar davala saglasnost i potvrđivala osnivačka prava nad Ustanovom.

Ustanova se finansira iz budžeta : Općine Centar / od 2001. godine /, Kantona Sarajevo, Općine Stari Grad, te iz prihoda od vlastite djelatnosti, isključivo vezanih za kulturne programske aktivnosti.

Centar programske aktivnosti realizira u dva objekta:

JU Centar za kulturu "Sarajevo"-Jelića broj 1.

JU Centar za kulturu "Sarajevo"-Centar za mlade Gorica-Avde Jabučice broj 52.

Sarajevo 2006.